



Ս. ՂԵՒՈՆԴԵԱՆՔ, Ս. ՎԱՐԴԱՆԱՆՔ ԵՒ ՋԻՆԱԿԻՑՆԵՐԸ ԵՒ ՄԵԾ ՊԱՀՔԸ



Երկուշաբթի 27 Փետրուարը առաջին օրն է Մեծ Պահքի: Երկու կարեւոր սուրբերու յիշատակը կը տօնենք Մեծ Պահքի նախորդ շաբաթը, Երեքշաբթի՝ (այս տարի 21 Փետրուարին) Ս. Ղեւոնդ Երեցի, որ իր հոգեւորական ընկերներուն հետ քաջալերեց հայերը պաշտպանելու քրիստոնէական հաւատքը ընդդէմ պարսիկներու ճիգերուն Հայաստանը կրակապաշտ դարձնելու ուղղութեամբ: Նոյն շաբաթուան Հինգշաբթի օրը (այս տարի 23 Փետրուարին) կը տօնենք Ս. Վարդանի եւ 451 թուականի Աւարայրի ճակատամարտի տօնը: Պարսիկները, որոնք գրաւած էին Հայաստանի մէկ մասը, սկիզբը արտօնեցին որ հայերը պահեն իրենց հաւատքը: Սակայն քրիստոնէութեան հանդէպ հայերու աճող նախանձախնդրութեան եւ պարսկական ազդեցութեան տկարացման հետեանքով պարսիկները ուզեցին վրէժ լուծել: Ս. Վարդանի գլխաւորութեամբ հայերը քաջաբար դէմ դրին պարսիկներուն: Ճակատամարտի պատրաստութիւնը կը նկարագրուի աղօթքի պահերով, աղոթումներու ընթերցանութեամբ (ներառեալ 23-րդ գլուխը), ճաշի բաժնեկցումով եւ հաղորդութեամբ, մինչ կու գար պահը ճակատելու պարսկական հուժկու բանակին դէմ, բազմապատիկ թիով: Թէեւ Ս. Վարդան եւ Ս. Ղեւոնդ իրենց բազմաթիւ զինակիցներով մարտիրոսացան, իրենց հաւատքը պաշտպանելու համար անոնց կրօնը ի գուր չէր: Պարսիկները դադարեցուցին իրենց ճիգերը Հայաստանը գրադաշտականութեան դարձնելու ուղղութեամբ: Մեր հաւատքի այս երկու սիւներու տօնակատարութեամբ Եկեղեցին կը յիշեցնէ մեզի որ մեր հաւատքը պահպանելու համար ուժ, հերոսութիւն եւ վճռակամութիւն է պէտք: Այսօր թէեւ մենք չունինք մեր հաւատքը ուրանալ ստիպող պարսիկներ, բայց կան տարբեր ուժեր որոնք կը փորձեն մեզ գրկել մեր հաւաքական ինքնութեան ամենամեծ սիւնէն քրիստոնէական հաւատքէն: Հետեւաբար Մեծ Պահքը այն ժամանակաշրջանն է որ մենք զօրացնենք մեր հաւատքը եւ յաւելեալ տեղեկութիւններ ձեռք բերենք պաշտպանուելու համար մեր հոգեւոր թշնամիներէն: Մեծ Պահքի աստուածաբանութեան մասին պիտի խօսինք մեր լրատու թերթիկի յաջորդ թիւին մէջ:

ՇԱՀԱՆ ՍՐԲԱԶԱՆ ՊԱՏԱՐԱԳԵՑ ՄԱՅՐ ԵԿԵՂԵՑԻՈՅ ՄԷՋ



Կիրակի 11 Փետրուար 2017-ին, Ֆրանսայի Թեմի Առաջնորդ Գերշ. Տ. Վահան Եպս. Յովհաննէսեանի հրաւերով, Բերիոյ Հայոց Թեմի (Հալէպ-Մուրիա) Առաջնորդ Գերշ. Տ. Շահան Արք. Սարգիսեան պատարագեց Փարիզի Ս. Յովհաննէս Մկրտիչ Մայր Եկեղեցոյ մէջ: Պատարագի վերջաւորութեան Առաջնորդ Սրբազանը Վահան Եպս. Յովհաննէսեան բարի գալստեան խօսք ուղղեց Շահան Սրբազանին, պաշտօնապէս արտայայտելով իր եւ իր հօտին նեցուկը Հալէպի եւ Մուրիոյ մեր քոյրերուն եւ եղբայրներուն, եւ ապա հրաւիրեց պատարագի սրբազանը քարոզելու: Շահան Արք. Սարգիսեան իր կարգին շնորհակալութիւն յայտնեց Վահան Սրբազանին Ֆրանսայի Մայր Եկեղեցոյ մէջ պատարագելու հրաւերին համար եւ իր քարոզին մէջ շեշտը դրաւ իրար օգնելու եւ կարօտեալին նեցուկ կանգնելու կարեւորութեան վրայ, որպէս մեր հաւատքի հիմքերն մէկը: Պատարագէն ետք ընդունելութիւն մը կազմակերպուած էր Եկեղեցոյ սրահին մէջ, ուր յայտագիր մը պատրաստուած էր Հալէպի նուիրուած Յուցադրուեցաւ տեսաներիզ մը, խօսք առին Հալէպի ազգային իշխանութեան ներկայացուցիչ Պրն. Կարօ Իւզպաշեան եւ Շահան Սրբազան: Այս հանդիպումը Հալէպի ի նպաստ դրամահաւաքի ծրագրի մէկ մասն էր:

ՄՏԱՑՄՔ ԱՌԱՋՆՈՐԴ ՍՐԲԱԶԱՆԻ ԿՈՉԸ



Թեմակալ Առաջնորդ Վահան Եպս. Յովհաննէսեան ամբողջ Ֆրանսայի Թեմին եւ Արեւմտեան Եւրոպայի Հայրապետական Պատուիրակութեան համայնքներուն մէջ հայ ժողովուրդին ուղղուած կոչ մը հրապարակեց, որպէսզի նեցուկ կանգնին Հայ Եկեղեցոյ Ֆրանսայի թեմի եւ Արեւմտեան Եւրոպայի Հայրապետական Պատուիրակութեան ծրագրներուն եւ գործունէութեան: Շատ գեղեցիկ գունաւոր պրակ մը հրատարակուած է Առաջնորդի Գրասենեակին կողմէ, ներկայացնելով Թեմի անցեալ տարուան գանազան ծրագրներն ու գործունէութիւնը, որոնց նպատակն է Հայ Եկեղեցոյ առաքելութիւնը իրագործել եւ Եկեղեցոյ կեանքին մասնակից անձերու թիւը ընդլայնել: Պրակը նաեւ կը բացատրէ Թեմի տարեկան պիւտձի գանազան կէտերը: Գերաշնորհ Սրբազան Հայրը այս պրակը կը նկատէ հրաւեր մը ուղղուած իւրաքանչիւր հայի եւ հայերու բարեկամներու ներդրում ունենալու: Հայ Եկեղեցոյ զօրացման գործին մէջ: Նուիրատուները շնորհակալութեան նամակ մը պիտի ստանան Առաջնորդ Սրբազանէն եւ իրենց անունները պիտի հրապարակուին: Այս կոչի համացանցային տարբերակը թո՛ղ կը փափաքիք ունենալ [Ֆրանսերէնով՝ սեղմել այստեղ](#), [հայերէնով՝ այստեղ](#): Լիւբարուս կերպով մասնակցեցէք Հայ Եկեղեցոյ նեցուկ կանգնելու գործին, ձեր չէքերը ղրկելով « Diocèse de France de l'Église Arménienne » անունով, 15 rue Jean Goujon, 75008 Paris. Շնորհակալութիւն:

ԹԵՍԸ ՄԱՍՆԱԿՑԵՑԱՒ CCAF-Ի ԸՆԹՐԻՔԻՆ



Թեմակալ Առաջնորդ Գերշ. Տ. Վահան Եպս. Յովհաննէսեան, Առաջնորդական Փոխանորդ Տ. Գրիգոր Արք. Խաչատրեան եւ Հայ Եկեղեցոյ Ֆրանսայի Թեմի Պատգամաւորական Ժողովի ատենապետ Պրն. Արա Տեյիրմանեան ներկայ գտնուեցան Ֆրանսայի Հայկական Գազմակերպութիւններու Համակարգող Խորհուրդի (CCAF) տարեկան ընթրիքին, որ տեղի ունեցաւ Չորեքշաբթի 8 Փետրուար 2017-ի ժամը 20-ին, Փարիզի “L'Hotel du Collectionneur” պանդոկին մէջ: Անցեալ տարիներու նման այս տարի եւս այս յաջող ձեռնարկը սկսաւ խմիչքի հիւրասիրութեամբ, որու ընթացքին ներկաները առիթ ունեցաւ իրար հետ խօսակցելու: Ապա ներկաները անցան ընթրիքի, ուր սպաւորիչ յայտագիր մը նախատեսուած էր: Ներկայ էին բարձրաստիճան անձնաւորութիւններ, ինչպէս՝ Ֆրանսայի հանրապետութեան նախագահ Պրն. Ֆրանսուա Չոլանտ, Փարիզի քաղաքապետ Տիլ. Հիտալկօ, Շարլ Ազնաւուր եւ այլն: Պրն. Արա Թորանեան եւ Պրն. Մուրատ Փափազեան ընթրիքի յայտագրի բացումը կատարեցին բարիգալստեան խօսքերով: Ապա կարգ մը բարձրաստիճան անձնաւորութիւններ խօսք առին, որոնց կարգին նաեւ նախագահ Չոլանտ: CCAF-ի կողմէ երեք հոգի պարգեւատրուեցան, որոնցմէ մէկն էր Գերշ. Տ. Շահան Արք. Սարգիսեան, պատերազմի մէջ տառապող Հալէպի մէջ իր գործունէութեան համար: Շահան Սրբազան պարգեւատրութեան համար շնորհակալական խօսք արտասանեց, որու աւարտին ներկաներն ու Հանրապետութեան Նախագահը յորնակայ Կարգապետի: Ընթրիքին ներկայ էին նաեւ Գերշ. Տ. Նորվան Արք. Զաքարեան եւ այլ Եկեղեցականներ Կայտորիկէ եւ Աւետարանական յարանուանութիւններէն: Շնորհակալութիւն CCAF-ին այս մեծապէս յաջող ծրագրին եւ իր ղեկավար դերին համար:

Ս. ՍԱՐԳԻՍԻ ՏՕՆԸ ՏԵՄԻՆԻ ԵՒ ՇՐՋԱԿԱՅՔԻ ԵԿԵՂԵՑԻՈՅ ԵՐԻՏԱՍԱՐԴՈՒԹԵԱՆ ՀԵՏ



Շաբաթ 11 Փետրուարին, Թեմակալ Առաջնորդ Գերշ. Տ. Վահան Եպս. Յովհաննէսեան այցելեց Լիոնի երիտասարդութեան հաւաքին Տեսինի հայկական Եկեղեցոյ մէջ: Շուրջօրեայ յայտագիրը սկսաւ Կեդրոնական Վարչութեան հետ հանդիպումով, Հոգեւոր Հովիտի գրասենեակին մէջ: Կեդրոնական Վարչութեան անդամները Սրբազան Հօր եւ հոգեւոր հովիտի Տ. Շահէ Քնյ. Նազարեանի հետ քննարկեցին Հայ Եկեղեցոյ Ֆրանսայի Երիտասարդաց Միութեան գանազան ծրագրներ, որոնց կարգին՝ 23-29 Մայիսին Երուսաղէմ երիտասարդական ուխտագնացութիւնը եւ իրենց յառաջիկայ տարեկան համագումարը, որ տեղի պիտի ունենայ Մարսէլի մէջ: Կէսօրէ ետք յատուկ երիտասարդական համագումար մը կազմակերպուած էր Տեսինի Եկեղեցոյ մէջ, մասնակցութեամբ Լիոնի շրջանի գանազան ծուխերէ երիտասարդներու: Սրբազան Հօր եւ Տեղ Շահէի կողքին ներկայ էին Վալանտի հոգեւոր հովիտի Տ. Անդրանիկ Քնյ Մալճեան եւ Կրեմոպլի հոգեւոր հովիտի Տ. Ֆաբգէն Քնյ. Ստեփանեան: Յայտագիրը սկսաւ կարճ աղօթքով, որ շարունակուեցաւ Տեսինի Եկեղեցոյ երիտասարդներու հոգեւոր երգերով: Ապա յաջորդեց հարցում-պատասխաններու պահը: Ներկաները հրաւիրուեցան հարցումներ հարցնելու եւ Առաջնորդ Սրբազանն ու միւս հոգեւոր հայրերը պատասխանեցին հարցումներուն: Օրուան աւարտին Տեսինի Հայ Մշակոյթի Տան մէջ տեղի ունեցաւ ընթրիք:

ԱՅՍ ՀԻՆԳՇԱԲԹԻ ԵՐԵԿՈՅ՝ ՎԱՐԴԱՆԱՆՑ ՊԱՏԱՐԱԳ



Այս Հինգշաբթի՝ 23 Փետրուար 2017-ի երեկոյեան ժամը 18-ին յատուկ պատարագ պիտի մատուցուի Հայ Եկեղեցոյ Ֆրանսայի Թեմի Ս. Յովհաննէս Մկրտիչ Մայր Եկեղեցոյ մէջ, ձեռամբ Թեմակալ Առաջնորդ Գերշ. Տ. Վահան Եպս. Յովհաննէսեանի: Պատարագէն ետք ժամը 19:30-ին եկեղեցոյ «Նուրիան Ֆրէնկեան» սրահին մէջ մեծ պաստառի վրայ պիտի ցուցադրուի հայկական «Lie and War» ֆիլմը: Պատարագին եւ երեկոյեան յայտագրին ներկայ պիտի ըլլան Հայաստանի զինեալ ուժերու անդամներ եւ պատերազմի պարզեատրուած հերոսներ: Նկատի ունեցէք որ Փարիզի Մայր Եկեղեցոյ մէջ պատարագ պիտի չմատուցուի Հինգշաբթի 23 Փետրուարի առաւօտուն, այլ՝ երեկոյեան ժամը 18-ին: Յաւելեալ տեղեկութիւններու համար կապ հաստատել Թեմին հետ՝ bureauduprimat@diocesearmenien.fr կամ Մայր Եկեղեցոյ գրասենեակ՝

ԿԱՐՃ ԼՈՒՐԵՐ...

- Ս. Ղեւոնդեանց տօնին առթիւ, որ տօնն է Հայ Եկեղեցոյ բոլոր քահանաներուն, Ֆրանսայի Թեմի հոգեւորականները իրենց տարեկան համագումարը ունեցան Կիրակի 19-էն Երեքշաբթի 21 Փետրուարին Մէլնը Էթիէնի հայկական Եկեղեցոյ մէջ:
- Առաջնորդի Կոչը [Ֆրանսերէնով կրնաք կարդալ սեղմելով այստեղ](#) կամ [հայերէնով այստեղ](#): Եթէ կը փափաքիք տպուած օրինակ մը ունենալ, ձեր հասցէն գրեցէք bureauduprimat@diocesearmenien.fr հասցէին:
- Այս լրատու թերթիկէն անվճար օրինակ մը ղրկելու համար ձեր ազգականին կամ բարեկամին, անոնց համացանցի հասցէն ուղարկեցէք bureauduprimat@diocesearmenien.fr հասցէին:
- Առաջնորդ Սրբազանի կողմէ «Պատարագի սերտոգութիւնը էջ առ էջ» տեղի պիտի ունենայ այս Չորեքշաբթի 24 Փետրուարի ժամը 20-ին «Նուրիան Ֆրէնկեան» սրահին մէջ:
- Ամանորի եւ Ս. Օտունի տօնակատարութեան նախօրեակին, Հայ Եկեղեցոյ Ֆրանսայի Թեմի Առաջնորդ եւ Արեւմտեան Եւրոպայի Հայրապետական Պատուիրակ Գերշ. Տ. Վահան Եպս. Յովհաննէսեան առաջնորդարանի իր գրասենեակին մէջ ընդունեց TEMPO ընկերութեան տնօրէն Պրն. Արտակ Վարդանեանը: Վերջիս Սրբազան Հօր հակիրճ կերպով ներկայացուց TEMPO ընկերութեան նպատակները, ինչպէս նաեւ առաւելութիւններն ու իր ձեռնարկը: Առաջարկները անոնց որոնք նիւթապէս կօզնեն Հայաստանի իրենց ազգականներուն: Հանդիպման աւարտին Վահան Սրբազան իր օրհնութիւնը տուաւ TEMPO ընկերութեան եւ յաջողութեան մատրոց անոր հայ հիմնադիրներուն, որոնք նաեւ կը փափաքին օժանդակել Ֆրանսայի Հայ Եկեղեցոյ մշակութային եւ կրթական նախաձեռնութիւններուն: Մեր հաւատացեալները որոնք դրամ կուտարկէն Հայաստան օգնելու համար իրենց ազգականներուն, կրնան իրենց դրամական փոխանցումները կատարել TEMPO-ի միջոցով, 89 boulevard de Magenta, Paris 10^e: Հայ գործարարներու կողմէ հիմնուած ըլլալով, TEMPO որակաւոր ծառայութիւն կը մատուցէ սերտուած ու յարմար գիներով: Յաւելեալ տեղեկութիւններու համար հետաձայնէլ 06 65 94 66 12 թիւին: